

ዮሃንስ ፃፊዳ ኮይር ኪታ ጊዳ ቆፋ

ዮሃንስ ኮይር ዩዲዳ ኪታዛን ናሞዑ አይፌ ዮቲ ዳቲሰ። ሄይቲካ ሄ ኪታዛ ናባቢዛይታሰ ያሳራኔ ያሳ ና ዩሱሰ ኪርሰቶሳራ ኢሲፊቴላ ዳዓና ማላ ኢሰታ ሚንጮላናሲኔ ሄሳ ሄ ኢሲፊቴላ ዳይሲዛ ዋርዶ ተሚርቴፌ ኢሰቲ ናጌታና ማላ። ሃይሲ ኪታይ ፃፊቲዛ ዋዴ ሄ አላሜዛ ቦላ ዳር ዋልቃማ ዋርዶ ተሚርቴይ ዳሰ። ሄ ተሚርቴዚካ ኢሲ ኢሲ አማኒዛ አሳታ አማኖፔ ካሬ ኬሲዳሰ። ሄ ዋርዶ አሰታማሬቲ ታማርሲዛ ኢታ ተሚርቴይ 1. “የሲ አያና አላሜ ፃላላ ሜዲዳሰ። 2. ሃይሳ ሃ አላሜዛን ዲዛ አይፊን ቤቲዛ ሚሺ ኡባኔ ኑ አሳቲላ ያሲ ሜዲቤና። ሄሳ ገሽ ሄ ሜዲቴላቲ ዉሪካ ኢታ ፃላ። 3. ሃይሲ አይፊን ቤቲዛ አላሜዚኔ ኑ አሳቲላይ ኑ አያና ቆሃናሲኔ ቲኒሳናሰ ዳንዳዬና።” ሃይሳ ጉሲ “ኮይር ያሳፊ ዩዲ ዩሱሳሰ አሳ አሳቲላ ዳና። ቃሴካ ናሞፃንሎራ አሳዳይ ሃራ አሳ ቦላ ናጋራ ኦሊኮኔ ኢዚ ሃራ አሰ ኢዲኮ ሄሳዴ ኦሎዚ ኢዛ አያና ቆሃናሲኔ ቲኒሳናሰ ዳንዳዬና” ጉሳ። ሄይቲ ሄ አሰታማሬቲ “ኦቶቲላ ጉሲ ሃይሳ አላሜዛ ዲሳሰ ቆፖንታ አሳ ኮሺሰ” ጌ ታማርሴቲሰ። ሄሳራካ ጋሊዲ “ሎዖ ኦሶን ጌዲን ዋይኮ አሴ ሲቆይ ሙሉካ ኮሺና” ጌ ታማርሴቲሰ።

ሄሳ ገሽ ዮሃንስ ባ ኪታን ሄሳሶ ዋርዶ ተሚርቴይ ቱሙ አማኖ ተሚርቴፌ ካሬ ጌዲዳይሳ ታማርሴሰ። ሄሳ ሄ ተሚርቴዛ ኢያን ዩሱሰ ኪርሰቶሲ ኩሜላራ አሴኮ፤ ዩሱሳን አማኒዛይቲኔ ያሴ ሲቁዛይቲ ዉሪካ ባ ጋርሳን ኢሶይ ኢሳራ ሲቁታናሰ ቤሴሰ ጌዲ ኤሪሲዳሰ። ቃሴካ ዩሱሲ ቱሙ አሳ አሾ ማይዲዳይሳኔ ዩሉቲዳይሳ ካዲዛዳይ ያሳፊ ዩሉቲቤና። (4:2-3) ጎዳ ያሳፊ ዩሉቶንታዳይ ቃሴ ያሳፔ ጌዲዳይ ሲቃናዉ ዳንዳዬና። ያሳፊ ዩሉቲዳይዬ ኡባ ዋዴ ናጋራን ዳዓናሰ ዳንዳዬና። (3:10)

- ሃ ማፃፋይ ኦይኪዳ ኩሜላ ቆፋ
- ጌሎሶ 1:1-4
- ፖዖኔ ቋማ 1:5-2:29
- ያሳ ናይታኔ ፃላዔ ናይታ 3:1-24
- ቱማኔ ዋርዶ 4:1-6
- ቱማ ሲቆ 4:7-21

ግራፊ አማኛ 5:1-21

ዴጋ ቃላ

1 ዴጋ ቃላ ገሽ ኮይርፔ ዲዛይሳ ኮኒ ኑ ሃይላን ሲዩዲይሳኔ ኑ አይፊራ ቤዩዲይሳ ሎዔላ ያሊዲይሳ፣ ኑ ኩሼራ ኦይኪ ቤዩዲይሳ ገሽ ሃሳዮሰ። * 2 ዴጋይካ ቆንጨዴሰ፤ ኑካ ኑ አይፊራ ቤዩዲ ማርካቶሰ። ኢዛሰ ኢዛ አዋ አቻን ዲዛይሳኔ ኑሰካ ቆንጨዳ ሜርና ዴጋ ገሽ ኑ አንቴሰ ዮቶሰ። * 3 አንቴሰካ ኑናራ ኢሲፊቴላ ዳና ማላ ኮኒ ቤዩዲይሳኔ ሲዩዲይሳ አንቴሰ ዮቶሰ። ኑ ኢሲፊቴላይካ አዋራኔ ኢዛ ና ዬሱሰ ኪርሰቶሳራ። * 4 ኑ ኡፋይሳይ ኩሜላ ገዳና ማላ ኑ ሃይሳ አንቴሰ ፃሮሰ። *

ፖግን ሲሜሬቴላ

5 ኑ ኢዛፔ ሲይዲ አንቴሰ ዮቲዛ ኪታይ “ግሲ ፖግ፤ ኢዛ አቻን ሙሉካ ጳማይ ዴና” ገዛይሳ። 6 “ኑ ጳማን ሲሜሬቴሽ ኢዛራ ኑሰ ኢሲፊቴላ ዴሰ” ገኮ ዋርዶቶሰ አቲን ቱማን ዶኮ። 7 ገዶ አቲን ኢዚ ፖግን ዲዛ ማላ ኑካ ፖግን ሲሜሬቴኮ ኑ ጋርሳን ኑሰ ኢሲፊቴላ ዴሰ፤ ኢዛ ና ዬሱሰ ኪርሰቶሳ ሱላ ኑና ናጋራ ኡባፊ ጌሼሰ።

8 ኑ ኑናን ናጋራይ ባዋ ገኮ ኑርካ ኑና ባሌሶሰ፤ ቱማይካ ኑናን ዴና። 9 ኮኒ ኑ ናጋራ ፓጂኮ ኢዚ ኑ ናጋራ አቶ ጋናሲኔ ኑ ቆሆፔ ኑና ወርሲ ጌሻናሰ ኢዚ አማኔቲዳዴኔ ጂሎ። 10 ኑ ናጋራ ኦሊቤኮ ገኮ ኢዛ ኑ ዋርዳንቻ ኬሶሲኔ ኢዛ ቃላይካ ኑናን ዴና።

2

1 ታ ናይቶ! ታ አንቴሰ ሃይሳ ፃፊዛይ አንቴ ናጋራ ኦሶንታ ማላሳ። ገዶ አቲን ኦኒካ ናጋራ ኦሊኮ አዋ አቻን ኑሰ ፃባቃይ ዴሰ። ኢዚካ ጂሎዞ ዬሱሰ ኪርሰቶሳ።

2 ኢዚ ኑ ናጋራይ አቶ ጌቲታና ማላ ኦጌ ገገሲዛዴ፤ ሃሲካ ኑና ፃላላ ገዶንታ ኩሜላ አላሜ አሳሳራ አቲን ኑሰ ፃላ ገዴና። 3 ኑ ኢዛ አዛዞታ ፖሊኮ ኑ ኢዛ ኤሪዲይሳ ሃሳን አማኔቶሰ። 4 “ታ ኢዛ ኤሪይሰ” ገሽ ኢዛ አዛዞ ፖሎንታዴ ገዲኮ ሃሳዴይ ዋርዶ አሳ አቲን ቱማይ ኢዛዴን ዴና። 5 ቃሴ ኦኒካ ኢዛ ቃላ ናገኮ ቱሙ ያሳ ሲቆይ ኢዛዴን ፖሌቲዴሰ። ኮኒ ኢዛን ዲዛይሳ ኤሪዛይ

* 1:1 የሃ 1:1 * 1:2 የሃ 1:14 * 1:4 ኑ ኡፋይሳይ ኢሲ ኢሲ ቢርሼቻታን አንቴ ኡፋይሳይ ጌቲቲዴሰ።

ሄሳና። 6 ታ ኢዛን ዳይሰ ገዛ ኣሲ ኦኒካ ዩሱሲ ሲሜሬቲዳ ማላ ሲሜሬታናሰ ቤሴስ።

ኦራላ ኣዛዘ

7 ታ ሲቆቶ! ታ ኢንቴሰ ፃፊዛይሲ ካሴ ኢንቴሰ ዲዛር ኢንቴኮን ጋምዒዳ ኣዛዘዮ ኣቲን ሃራ ኦራላ ኣዛዘ ገዳና፤ ጋምዒዳ ኣዛዘያ ካሴ ኢንቴ ሲዩዳ ቃላ። 8 ሃራ ባጋራ ታ ኢንቴሰ ፃፊዛይ ኪርሰቶሳ ኣቻኒኔ ኢንቴ ኣቻን ቱሙ ገዲዳ ኦራላ ኣዛዘ፤ ጋሶይካ ቋማይ ኣቋን ቱሙ ፖጆይ ፖጆ ቦላ ዳስ።

9 ፖጆን ዳይሲ ገሼ ባ ኢሻ ኢዲዛዳይ ሃዒካ ቋማን ዳስ። 10 ባ ኢሻ ሲቁዛዳይ ፖጆን ዳስ፤ ሄሳዳሰ ቋጶ ገዲዛ ሚሺ ዳና። 11 ገዶ ኣቲን ባ ኢሻ ኢዲዛዳይ ገዲኮ ቋማ ገዶን ዳስ፤ ቋማን ሲሜሬቲስ፤ ቋማይ ኢዛ ቆቁሲዳ ገሺ ኢዚ ኣዎ ቢዛኮኔ ባ ቢዛሶ ኤሪና።

12 ታ ናይቶ! ኢንቴ ናጋራይ ዩሱሰ ኪርሰቶሳገፕ ዳንዲዳይሳን ኣቶ ጌቲቲዳ ገሺ ታ ኢንቴሰ ፃፋይሰ። 13 ኣዎቶ! ካሴ ኮይርፔ ዲዛይሳ ኢዛ ኢንቴ ኤሪዛ ገሺ ታ ኢንቴሰ ፃፋይሰ፤ ናቴላቶ! ኢንቴ ኢታ ገዲዳ ፃላዔ ያኒዳ ገሺ ታ ኢንቴሰ ፃፋይሰ።

14 ናቴላ ናይቶ! ኢንቴ ኣዎ ኤሪዳ ገሺ ታ ኢንቴሰ ፃፋይሰ። ኣዎቶ! ኮይርፔ ዲዛይሳ ኢዛ ኢንቴ ኤሪዳ ገሺ ታ ኢንቴሰ ፃፋይሰ። ናቴላቶ! ኢንቴ ሚኖታ ገዲዳ ገሺኦ ያሳ ቃላይ ኢንቴናን ዲዛ ገሺ ኢንቴ ኢታ ገዲዳ ፃላዔ ያኒዳ ገሺ ታ ኢንቴሰ ፃፋይሰ።

ኣላሜ ደሶፒቲ

15 ሃይሳ ኣላሜዛ ዎይኮ ሃ ኣላሜዛን ዲዛ ኣይ ሚሼካ ደሶፒቲ። ኦኒካ ሃ ኣላሜዛ ደሲኮ ኣዎ ሲቆይ ኢዛዳ ኣቻን ዳና። 16 ጋሶይካ ሃ ኣላሜዛን ዲዛይ ዉሪ ኣሾ ኣሞቴላ። ኣይፌሰ ሎጆኔ ዲሳን ጨቁቴላ፤ ሃይቲ ኣላሜፔ ኣቲን ያሳ ኣዎፔ ዪዛይታ ገዳቲና። 17 ኣላሜይኔ ኣላሜን ዲዛ ኣሞቴላ ኣቋና ሺን ያሳ ሼኔ ፖሊዛይቲ ገዲኮ ሜርናሰ ዳና።

ኪርሰቶሳራ ኤቁቲዛይታፔ ናጌቲላ

18 ናይቶ! ሃይሲ ዉርሴላ ሳቲ። ኢንቴ ሲዩዳ ማላ ኪርሰቶሳራ ኤቁቲዛዳይ ያና። ሃዒካ ኪርሰቶሳራ ኤቁቲዛ ደርቲ ዩዳ። ሃይሲ ዉርሴላ ሳቲ ገዲዳይሳ ኦ ሃይሳን ኤርሰ። 19 ኢሰቲ ኦ ገዲፌ ኬዚዳ። ገዶ ኣቲን ኢሰቲ ካሴካ ኦ ባጋ ገዳቲና። ኢሰቲ ኦ ባጋ ገዲዳኮ ኦናራ ሚኒ ኤቃናኮሺን፤ ገዶ ኣቲን ኢሰቲ ዉሪ ኦ ባጋ ገደንታይሲ ኤሬታና ማላ ኦፔ ሻኬቲዳ

20 እንጅና ቃሴ ከርሰቶሲ ዓሎ አያናን ቲዪዳስ፤ ሃሳ ገሽ እንጅ ወሪካ ቱማ ኤሬታ። 21 ታ እንጅስ ፃፊዛይ እንጅ ቱማ ኤርንታ ገሽ ገዳና፤ ገዳ ኣቲን እንጅ ቱማ ኤሪዛ ገሺኔ ቱማ ጋርሳፊ ኣይኮ ዋርዶይካ ቤቶንታይሳ እንጅ ኤሪዛ ገሻሳ።

22 ዩሱሳ ኢዚ ከርሰቶሳ ገዳና ገ ካዲዛዳፊ ሃራ ዋርዳንቻይ ኦኔ? ሃሳዳይ ኣዋኔ ናዛ ካዲዛ ከርሰቶሳራ ኤቁቲዛዳ። 23 ናዛ ካዲዛዳስ ኦናሲካ ኣዋይ ዳና፤ ናዛ ኤኪዛዳስ ኡባሰ ኢዛሰ ኣዋይካ ዳስ።

24 እንጅ ኮይር ሲዩዳ ቃላያ እንጅናን ዲ፤ እንጅ ኮይር ሲዩዳራ እንጅናን ዲኮ እንጅካ ናዛኔ ኣዋን ዳና። 25 ሜርና ዳይይ ኢዚ ኮሰ አማና ገዳ ሂዶታ ቃላ።

26 እንጅና ባሌዲዛ ኣሳታ ገሽ ሃይሳ እንጅስ ፃፋዲስ። 27 እንጅ ቃሴ ኢዛፔ ኤኪዳ ዓሎ አያናይ እንጅናን ዲዛ ገሽ ሃራይ ኦኒካ እንጅና ታማርሳናሰ ቤሴና። ኢዚ እንጅና ታማርሳናይሲ ቱሙ ኣቲን ዋርዶ ገዳና፤ ሃሳ ገሽ ዓሎ አያናይ እንጅና ታማርሲዳ ማላ ከርሰቶሳን ዳዒቲ። 28 ሃሳ ገሽ ናይቶ! ኢዚ ቆንጨዛ ዋይ ኮሰ ፃላቲዲ ዳና ማላ ኢዚ ዪዛ ዋይካ ኑ ኢዛ ሰንሳን ዩሌቶንታ ማላ እንጅ ኢዛን ዳዒቲ። 29 ኢዚ ዓሎ ገዲዳይሳ እንጅ ኤሪዛ ገዲኮ ዓሎ ኦዲዛይ ወሪ ኢዛፔ ዩሌቲዳይሳ እንጅ ኤሬታ።

3

ፆሳ ናይታ

1 ኦኒ ፆሳ ናይታ ጌቲታና ማላ ኣዋይ ዳርሲ ሲቂዳ ኢዛ ሲቆይ ኮሰ ኣይ ማላ ገታኮኔ ኣኔ ቤዪቲ! ቱሙካ ኑ ኢዛ ናይታ። ኣላሜይ ኑና ኤርንታ ኣገዳይ ኢዛ ኤርንታ ኣገዳ ገሻሳ። 2 ታ አሻቶ! ኦኒ ሃዒ ፆሳ ናይታ፤ ቡር ኑ ኣይ ሃናኮኔ ሃዒ ቆንጨቤና፤ ከርሰቶሲ ቆንጨዛ ዋይ ኑ ኢዛ ቤያናኔ ኑካ ኢዛ ሚሳታናይሳ ኑ ኤርሰ። 3 ሃይሳ ኢዛን ሂዶታ ኦዲዛይ ወሪ ኢዚ ጌሽ ገዲዳ ማላ ባና ጌሹሰ።

4 ናጋራ ኦዲዛይ ወሪካ ማካላ ኦፊሰ፤ ናጋራይካ ማካላ። 5 ኢዚ ናጋራ ዳይሳናሰ ቆንጨዳይሳ እንጅ ኤሬታ። ኢዛን ናጋራይ ባዋ። * 6 ኢዛን ዲዛ ኣሲ ኦኒካ ናጋራ ኦፊና። ናጋራ ኦዲዛይ ኦኒካ ገዲኮ ኢዛ ቤይቤና ዋይኮ ኤሪቤና።

* 3:5 የሃ 1:29

7 ታ ናይቶ! እንቲና ኦኒካ ባሌታንታ ማላ ናጌቲቲ። እዚ ዲሎ ጊዲዳ ማላ ዲሎ ኦሊዛዳይካ ዲሎ። 8 ናጋራ ኦሊዛይ ፃላዔፔ፤ ጋሶይካ ፃላዔይ ኮይርፔካ ናጋራ ኦሊዛዳዎ። ያሳ ናይ ቆንጫዳይካ ፃላዔ ኦሶ ላላናሳ።

9 ያሳፌ ዩሌቲዳይ ወሪ ናጋራ ኦሌና። ያሳ ዜሬሊ እዛን ዲዛ ጊሺኔ እዚ ያሳፌ ዩሌቲዳ ጊሽ ናጋራ ኦላና ዳንዳዬና። 10 ያሳ ናይቲኔ ፃላዔ ናይቲ ሻኩቲ ኤሬቲዛይ ሄሳና። ዲሎ ኦሶንታይኔ ባ እሻ ሲቆንታይ ወሪ ያሳፌ ጊዳና።

እንቲ ኢሶይ አሳሪ ሲቆቲቲ

11 እንቲ ኮይሮ ሲዩዳራ “ኑ ኑ ጋርሳን ሲቆታና ቤሴሰ” ጌቲቲዳ ኪታያ ሃና። * 12 ኢታ ባጋ ጊዲዲ ባ እሻ ዎዲዳ ቃዬሌ ማላ ጊደፐቲ። እዚ አዛሰ ዎዲዳ? ጋሶይካ እዛ ኦሶይ ኢታ፤ እሻ ኦሶይ ሎዎ ጊዲዳ ጊሻሳ። *

13 ታ እሻቶ! እንቲና አላሜ አሳይ ኢደኮ ማላሌቶፍቲ። 14 ኑኒ ኑ እሻታ ደሲዛ ጊሽ ሃይቆፔ ጌዴ ዳዎን ፒኒዳይሳ ኑ ኤርሰ። ሲቆይ ባይንዳይይ ወሪ ሃይቆ ጊደን ዳሰ። * 15 ባ እሻ ኢዲዛዳይ ሸምፖ ዎዲዳ አሳ። ሸምፖ ዎዲዳዳሰ ሚርና ዳዎይ ባይንዳይሳ እንቲ ኤሬታ። 16 ዩሱሰ ኪርሰቶሲ ባ ሸምፖ ኑ ጊሽ አሊ ኢሚዳ ጊሽ ሲቆይ አዛኮኔ ኑ ሄሳን ኤርሰ። ኑካ ኑ ሸምፖ ኑ እሻታ ጊሽ አሊ ኢማናሰ ኑሰ ቤሴሰ። 17 ሚሺ ዲዛዳይ ኦኒካ ባ እሻይ ዎዩቲሺን ቤዩዲ ኢዛሰ ሚሸቶንታ አጊኮ ያሳ ሲቆይ እዛን ዎኒ ዳኔ? 18 ታ ናይቶ! ቱሙ ኦሶንፔ አቲን ጮ ዱናኒኔ ቃላን ፃላላ ሲቆቲሳ ኣኔ አጎሰ።

19 ኑኒ ቱሙ ባጋ ጊዲዳይሳ ሃይሳን ኤርሰኔ ኑ ዎዝናካ ኢዛ ሲንሳን ሸምፐሶሰ። 20 ሄሲካ ኑ ዎዝናይ ኑ ቦላ ፐርዲዛ ሚሻን ኡባን ያሲ ኑ ዎዝና ቆፋፔ ቦላሪ ጊዲዳ ጊሽ እዚ ወርሲ ኤሬሰ። 21 ታ እሻቶ! ኑ ዎዝናይ ኑ ቦላ ፐርደንታ አጊኮ ኑሰ ያሳ ሲንሳን ባቢዛ ሚሺ ዳና። 22 ኑ አዛዞታ ናጊዛ ጊሺኔ እዛ ኡፋይሲዛዝ ኦሊዛ ጊሽ ኑ ኢዛ ዎሲዛዝ ወርሲ ኑ ኢዛፔ ኤካና። 23 ኢዛ አዛዞይካ ኑ ኢዛ ናዛ ዩሱሰ ኪርሰቶሳ አማናሰኔ እዚ ኑና አዛዚዳ ማላ ኑኒ ኑ ጊደን ደሴታና ማላሳ። * 24 ኢዛ አዛዞታ ናጊዛይቲ ወሪ እዛን ዳቲሰ፤ እዚካ ኢሰታን ዳሰ። እዚ ኑናን ዲዛይሳ ኑ እዚ ኑሰ ኢሚዳ ኣያናን ኤርሰ።

* 3:11 የሃ 13:34 * 3:12 ሚዴ 4:8 * 3:14 የሃ 5:24 * 3:23 የሃ 13:34፤ 15:12፤17

4

አያና ፓጩ ያለቲ

1 ታ አሻቶ! አያና ወርሲ አማኖፕቲ፤ ገደ አቲን አያናቲ ያሳፊኮኔ ፓጩ ቤይቲ። ጋሶይካ ደሮ ዋርዶ ናቤቲ ቢታ ቦላ ላሌቲዳ። 2 ኢንቲ ያሳ አያና ኤራና ኦጌይ “ዩሱስ ከርሰቶሲ አሳ አሾ ማይዲዲ ዩዴስ” ጊዛ አያናይ ወሪ ያሳፊኮ! 3 “ዩሱስ ከርሰቶሲ አሳ አሾ ማይዲዲ ዩዴስ” ጎንታ አያናይ ያሳፊ ገደና፤ ካሴ ኢዚ ያና ገሺን ኢንቲ ሲዩዳ ከርሰቶሳራ ኤቁቲዛ አያናይ ሃሳ፤ ሃዲካ ኢዚ አላሜ ቦላ ዴስ።

4 ታ ናይቶ! ኢንቲ ያሳይታ። ኢንቲ ኢሰታ ያኒዴታ፤ ጋሶይካ ኢንቲናን ዲዛይ አላሜን ዲዛይሳፊ አዴስ። 5 ኢሰቲ አላሜ ባጋኮ፤ ሃሳ ገሺ ኢሰቲ ሃሳዩዛይ ወሪ አላሜፕ ኬዚዛይሳ፤ አላሜ አሳይ ኢሰቲ ገዛይሳ ሲዩስ። 6 ኑ ቃሴ ያሳ ባጋ፤ ያሴ ኤሪዛይ ኑ ጊዛዛ ሲያና ሺን ያሳ ባጋ ገደንታዴይ ገዲኮ ኑ ጊዛዛ ሲዩና። ቱማ አያናኔ ዋርዶ አያና ኑ ሻኪ ኤሪዛይ ሃይሳና።

ያሳ ሲቆ

7 ታ አሻቶ! ሲቆይ ያሳፊ ገዲዳ ገሺ ኑኒ አኔ ሲቁቶስ። አሳ ሲቁዛ አሲ ወሪ ያሳፊ ዩሌቲዳዴኔ ያሴ ኤሪዛይ። 8 አሰ ሲቆንታ አሲ ያሴ ኤሪና። አዛሰ ገኮ ያሲ ሲቆ። 9 ያሳይ ኑ ገደን ባ ሲቆ ቆንጨሲዳይ ኑ ኢዛ ባጋራ ዴያ ዴማና ማላ ባ ና ኢሲኔዛ ሃ ዴጌ ሃ አላሜዛን ዩዲዳይሳና። 10 ኑኒ ያሴ ሲቁቤይኮ ሺን ኢዚ ኑና ሲቁዴስ። ኑ ናጋራ ቆይሳና ማላ ባ ናዛ ዩዲዴስ። ሲቆ ፕሲካ ሃሳ።

11 ታ አሻቶ! ያሲ ኑና ሃይሳፉ ሲቁኮ ኑካ ኑ ገደን ሲቁታናሰ ቤሴስ። 12 ያሴ ቤዩዳ አሲ ኦኒካ ባዋ። ኑኒ ኑ ገደን ሲቁቲዛ ገዲኮ ያሲ ኑናን ዳና። ኢዛ ሲቆይካ ኑናን ፖሌታና። *

13 ኢዚ ኑስ ባ አያና ኢሚዳ ገሺ ኑ ኢዛን ዲዛይሳኔ ኢዚካ ኑናን ዲዛይሳ ኑ ሃሳን ኤሮስ። 14 አዋይ ባ ናዛ ሃይሳ ሃ አላሜ አሳ አሻናሰ ዩዲዳይሳ ኑ ቤይዶሲኔ ኢዛ ገሺ ማርካቶስ። 15 ዩሱሲ ያሳ ና ገዲዳይሳ አማኒዲ ማርካቲዛ ኡባን ያሲ ዴሲኔ፣ ኢዛዴይካ ያሳን ዴስ። 16 ሃሳ ገሺ ያሲ ኑና ሲቁዛ ሲቆ ኑ ኤሮስ። ኑ ኢዛ ሲቆን አማኔቶስ። ያሲ ሲቆ። ሲቆን ዲዛዴይ ያሳን ዴስ። ያሲካ ሃሳዴን ዴስ። 17 ኑኒ ሃይሳ ቢታ ቦላ ዴዲዛይ ከርሰቶሲ ዴዲዳ ማላ ገዲዳ ገሺ ኑስ ፕሮዳ ጋላሰ ባቦይ ዴና። ሃሳንካ ሲቆይ ኑናን ኩሜል ገዴስ። 18 ሲቆ ገደን ባቦይ ባዋ፤

* 4:12 ዮሃ 1:18

ቱሙ ሲቆይ ገዲኮ ባቦ ኬሲ ዋራ ዩጌሰ። ባቦይ ቁፃጥራ ኢሲፊ ኦይኬቲ ዳሰ። ባቢዛዳ ሲቆይ ኩሜል ገዳና።

19 ኢዚ ካሴቲዲ ኑና ሲቆዳ ገሽ ኑካ ኢዛ ሲቆሰ። 20 ኦኒካ ፆሴ ሲቃይሰ ገሼ ባ ኢሻ ኢጂኮ ሃሳዴይ ዋርድ። ባ ኣይፊራ ቤዩዛ ባ ኢሻ ሲቆንታ ኣሲ ባ ኣይፊን ቤዮንታ ፆሳ ሲቃናሰ ዳንዳዬና። 21 “ፆሴ ሲቆዛ ኣሲ ወሪካ ባ ኢሻ ሲቃናሰ ቤሴሰ” ጊዛ ሃ ኣዛዘዛ ኢዚ ኑሰ ኢሚዳሰ።

5

ፆሳ ናን ኣማኖ

1 ዬሱሲ ኢዚ ከርሰቶሳ ገዲዳይሳ ኣማኒዛይ ወሪ ፆሳፊ ዩሉቲዳሰ። ኣዋ ደሲዛይ ወሪ ናዛካ ኢዛሶ ዳሴሰ። 2 ኦኒ ፆሴ ደሲኮኔ ኢዛ ኣዛዘ ናጊኮ ኑ ፆሳ ናይታ ሲቆዛይሳ ሃሳን ኤርሰ። 3 ፆሳ ደሶ ጉሲ ኢዛ ኣዛዘ ናጎ፤ ኢዛ ኣዛዘቲ ዴፆ ገዳቲና። 4 ጋሶይካ ፆሳፊ ዩሉቲዳይ ወሪ ኣላሜ ፆኔሰ። ኣላሜ ፆኒዛይካ ኑ ኣማኖ። 5 ዬሱሲ ፆሳ ና ገዲዳይሳ ኣማኒዛዴፊ ኣቲን ኣላሜ ፆኒዛይ ሃራይ ኦኔ?

6 ሃላኒ ሱላን ዩዳይ ሃይሳ ዬሱሰ ከርሰቶሳ። ኢዚ ሃላኒ ሱላን ዩዳዳ ላቲን ሃላን ፆላ ዩቤና። ሃሳካ ኢዛ ገሽ ማርካቲዛይ ኣያና። ሄ ኣያናይ ቱሙ ኣያና። 7 ሃሳ ገሽ ኢዛሰ ሄዙ ማርካቲ ዴቲሰ። 8 ሄይቲካ ኣያና፣ ሃሌኔ ሱላ፤ ሄዛታ ቃላይካ ኢሲና። 9 ኑ ኣሳ ማርካቲል ኣማኒኮ ፆሳ ማርካቲል ሃሳፊ ኣጴሰ። ሄሲካ ኢዚ ባ ናዛ ገሽ ኢሚዳ ፆሳ ማርካቲል። 10 ፆሳ ናን ኣማኒዛዴ ኡባ ዋዝናን ኢዛ ገሽ ማርካይ ዳሰ። ፆሴ ኣማኖንታይ ወሪካ ፆሲ ባ ናዛ ገሽ ኢሚዳ ማርካቲል ኣማኖንታ ገሽ ኢዛ ዋርድሴሰ።

11 ኢዛ ማርካቲልይካ ፆሲ ሜርና ዴፆ ኑሰ ኢሚዳሰ፤ ሄ ዴፆይካ ኢዛ ናዛን ዳሰ ገዛይሳ። * 12 ናዚ ዲዛዴሰ ዴፆይ ዳሰ፤ ፆሳ ናይ ባይንዳዴሰ ዴፆይ ባዋ።

ኩሻ ቆፋ

13 ኢንቴሰ ፆሳ ናን ኣማኒዛይታሰ ሜርና ዴፆይ ዲዛይሳ ኢንቴ ኤራና ማላ ታ ሃይሳ ኢንቴሰ ፆፋይሰ። 14 ኑ ፆሳ ሲንል ሽቃናሰ ኑሰ ዲዛ ፆላቲል ሃይሳ። ኑ ኣይ ሚሽካ ኢዛ ሹኔ ማላ ዋሲኮ ኢዚ ኑ ፆሳ ሲያና። 15 ኑ ኢዛ ዋሲዛ ሚሽ ኢዚ ወርሲ ሲዩዛይሳ ኑ ኤሪዛ ገዲኮ ኑ ዋሲዳ ሚሻ ወርሲ ኤካናይሳ ኑ ኤርሰ።

* 5:11 ዮሃ 3:36

16 እነካ ባ አሻይ ባና ሃይቆስ ጋፍንታ ናጋራ ኦሊሺን በዩዩኮ ኢዛስ ዋሶ። ያሲካ ሃይቆስ ጋፍንታ ናጋራ ኦሊዲይታስ ዴዖ ኢማና። ሃይቆስ ጋሊዛ ናጋራይካ ዴሰ። ሃይቆስ ጋሊዛ ናጋራ ጊሽ ዋሶ ጊኬ። 17 ማካላይ ዉሪካ ናጋራ፤ ሃይቆስ ጋፍንታ ናጋራይካ ዴሰ።

18 ያሳፌ ዩሌቲዳይ ዉሪ ናጋራ ኦሌና፤ ጋሶይካ ያሳ ናይ ኢዛ ናጊዛይሳኔ ኢታይ ኢዛ ቦቾንታይሳ ኑ ኤሮስ።

19 ኑኒ ያሳፌ ጊዲዲይሳኔ አላሜይ ኩሜላ ኢታ አሳ ኩሼን ዲዛይሳ ኑ ኤሮስ።

20 ያሳ ናይ ዩዲይሳ ቱሙ ጊዲዳ ኢዛ ኑ ኤራና ማላ አኩካ ኢዚ ኑስ ኢሚዲይሳ ኑ ኤሮስ። ኑካ ቱሙ ጊዲዳ ኢዛ ናዛ ዩሱስ ኪርሰቶሳን ዶስ፤ ኢዚካ ቱሙ ያሳን ሜርና ዴዖ።

21 ናይቶ! ኢንቴናቴላ ኤቃታፔ ናጊቴ።

ኦሪሳ ጩቆ ማግኔ ጋሞላ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
dffa0cbb-5f77-5875-bf95-f4176677af45